

նակը շարժում է ամենաթույլ դիմադրութեան կողմը» :

Զօր. Ուօկիկեր. — «Մեթէ վարչապետը ենթադրում է, որ թոյլ կողմ կը լինի այն կողմը, ուր կը գտնուի անդլիական ոյժը» :

Ժորտանիա. — «Մի հարկէ, ոչ, բայց հէնց որ ամենափոքր առիթը ներկայանայ, նրանք առաջ կը շարժուին՝ խաբելով ձեզ» :

Զօր. Ուօկիկեր. — «Ես այժմ չգիտեմ, թէ ի՞նչ քանակութիւն կարող եմ դնել ենթադրութեան վայրերում, բայց կարծում եմ, որ եթէ Դենիկիներենները թոյլ տան իրենց զնալու անդլիական զօրքերի նոյնիսկ ամենատակաւաթիւ մասերի դէմ, այդ կը լինի պատերազմի յայտարարութիւն Մեծ-Բրիտանիայի դէմ» :

Ժորտանիա. — «Այդ շատ կարեւոր հարց է, եւ ձեր առաջարկը մենք կը քննենք, որովհետեւ վրաց կառավարութիւնը վճռական կերպով որոշել է ուժով հարկադրել նրանց, որ թողնեն Վրաստանի սահմանները, եւ ես պէտք է հաղորդեմ ձեզ ի դիտութիւն, որ մեզ հետաքրքրում է միայն Վրաստանի պատմական սահմանը, եւ ես նորէն կրկնում եմ, որ մենք ոչ մի յաւակնութիւն չունինք Սոչիի շրջանի վրայ» :

Զօր. Ուօկիկեր. — «Այն ժամանակ ձեր բոլոր քայլերը կը լինին ձեր պատասխանատուութեամբ» :

Ժորտանիա. — «Ո՛չ, մենք չենք առնի մեր վրայ այդ պատասխանատուութիւնը, որովհետեւ մեզ առաջ հաւատացրին, որ կամաւորական բանակի կողմից ոչ մի յարձակողական շարժումներ չեն լինի : Վրաց կառավարութիւնը, հաւատարմով այդ յայտարարութեան, յետ քաշեց իր զօրքերը, եւ դրա հետեւանքը եղաւ Դենիկիների յարձակումը» :

Զօր. Ուօկիկեր. — «Այդ դէպքում ես պէտք է յայտնեմ, որ եթէ Վրաստանն այժմ չկամենայ ընդունել Անդլիայի միջնորդութիւնը, ապագայում ես կը հրաժարուեմ դրանից : Ես պէտք է հաղորդեմ վարչապետին, որ իմ տեղեկութիւններով վրաց ուժերը Սոչիի շրջանում թուլացուած չեն» :

Ժորտանիա. — «Մենք, ի հարկէ, ընդունում ենք Անդլիայի միջնորդութիւնը եւ հաւատում ենք, որ Մեծ-Բրիտանիան այս հարցում

մեզ գոհացում կը տայ, բայց ես պէտք է յայտնեմ զօր. Ուօկիկերին, որ նա սխալում է մեր ուժերի տկարացման մասին Սոչիի շրջանում : Վրաստանի կառավարութիւնը զօրքերը յետ է քաշել 10 վերստով եւ այս հրամանը անմիջապէս կատարուած է մեր հրամանատարութեան կողմից : Մինչեւ վերջին պահերը զօր. Կոնիկերը Թիֆլիսում էր եւ միայն պատահաբար, կամաւորականների յարձակման սկզբին գտնուեց Սոչիում» :

Զօր. Ուօկիկեր. — «Ես կարող եմ ձեզ վրատահացնել, որ տուեալ շրջանում դրութիւնը միշտ այսպէս չի լինի, բայց, ի մեծ բժբախտութիւն, հիմա ես աւելին չեմ կարող անել : Կրկնում եմ, այս հարցի լուծումը Պոլսի հրամանատարութեան գործն է եւ մինչեւ հակառակ կողմից տեղեկութիւններ ստացուելը ես չեմ կարող ասել ձեզ, թէ ի՞նչ առաջարկութիւններ պիտի անեմ բարձր հրամանատարութեան» :

«Այժմ ես պէտք է անցնեմ այնպիսի հարցերի, որոնք համարում եմ անսխալ բաներ, այսինքն՝ վրաց կառավարութեան պաշտօնական բողոքին զնդ. Գեղեւանովի միջադէպի առթիւ : Ես չեմ կարողանում հասկանալ, ինչո՞վ է բացատրում այն ամէնը, որ պատահեց : Ես կը կարգամ վարչապետին Բաթումի ընդհանուր նահանգապետի բացատրութիւնները, բայց դրանից առաջ ուզում եմ ասել մի քանի խօսք : Վրաստանի արտաքին գործոց նախարարը մի քիչ խիստ նամակ էր ուղարկել իմ անունով . նրա մէջ խօսուում էր զնդ. Գետեւանովի միջադէպի մասին : Այդ նամակը ես ուղարկել եմ Բաթումի ընդհանուր նահանգապետին, եւ նա, ի հարկէ, կ'ուղարկէ ըստ հոթեան պատասխան : Քանի ես պատասխան չեմ ստացել, ինձ թւում է, դրա մասին չարժէք դրել : Այս դէպքում ես բողոքում եմ եւ յայտարարում, որ այսպիսի վարքագիծը չի բարելաւի իրերի դրութիւնը : Նախ քան Բաթումի ընդհանուր նահանգապետի նամակի ընթերցումը, ես կ'ուզէի լսել պատասխանը՝ ինչի՞ց է առաջ եկել այդ ամէնը» :

Ժորտանիա. — «Ձեր բանակցութեան միջոցին, զօրավար, այստեղ կատարուել են որոշ փոփոխութիւններ, որի մասին այս բողոք-